

**De Probatis|| Sanctorvm|| Historiis**

Partim|| Ex Tomis Aloysii Lipoma-||ni, Doctissimi Episcopi, Partim Etiam||  
Ex Egregiis Manvscriptis Codicibvs, Qvarvm permultæ antehàc nunquàm  
in lucem prodiêre

Complectens Santos Mensivm|| Maii Et Ivnii

**Surius, Laurentius**

**Coloniae Agrippinae, 1576-**

**VD16 S 10258 - 10263**

De SS. martyribus, Nereo, Achilleo, Domitilla &c.

---

[urn:nbn:de:hbz:466:1-77393](https://nbn-resolving.de/urn:nbn:de:hbz:466:1-77393)

Guilelmus Prouinciae gubernator, & vita & exitus illius ostendit: quippe qui per sancti viri merita & fida obsequia, B. Benedicti habitum induere meruit. Erkenboldus etiam, Syluiniacensis loci prouisor fidelissimus, idemque inter suos clarissimus, & adiacentis patriæ pater, pauperumque tutor fortissimus, quām insigni erga beatum Maiolum arsimi deuotione fuerit, locus, quem diximus, abundè confirmat, ab illo & ante & post obitum temporis memorandi patris, & ædificijs, & diuitijs, & multipli- ci ornamento excultus ac nobilitatus, ita ut regiam quandam ea in re liberalitatem exhibuisset videatur. Quique nunc adhuc superest, & honoris eius & nominis hæres, benignè se gerit erga locum illum, nec eius habitatores damno ullo afficit.

Ita nimirū glorificatus & magnificatus est beatus Maiolus, Christi eum gratia Cap. 13. præueniente, in conspectu regum & principum & coram omni populo, vt possit etiam in ipsum quadrare, quod de Moysi dicit Ecclesiasticus: Glorificauit illum in Eccli. 45. conspectu regum, & ostendit illi gloriam suam. Hugo quoque Gallorum rex, quo- Hugo rex Gallorum. tis illum vidit, humiliter ac deuotè eum suscepit, & valde honorifice tractauit: idemq; quodam tempore rogauit eum, vt ad ipsum veniret, idque eo animo, vt sancti Dio- nysij monasterium eius consilio & ope rectius posset constitui. Non recusauit vir san- ctus, iterque latus suscepit, regiæ voluntati obsecundans, sed cùm Syluiniacum per- uenisset, Deo vocante, plenus dierum & sanctitatis, ex hac vita migravit quinto Idus Maij, sexta feria illucecente post sacratissimam solennitatem, qua Christus ascendit in celum, & fideli seruo suo Maiolo post se scandendi viam ostendit. Quod vbi com- perit Hugo rex, sua præsentia & regiæ muneribus eius exequias cohonestauit & tu- mulum, vbi præstante Domino, multa facta sunt & fiunt miracula, permultiisque plu- rima & præstata sunt & præstantur beneficia, quæ præ nimia & multitudine & magni- tude commemorari non possunt. Sanantur illic morbi omnes, paralytici, claudi, febricitantes, cæci, dæmoniaci, & incerto quodam igne terribiliter & miserabiliter inflammati. Quicquid etiam cum deuotione in quacunque afflictione & necessitate opem illic policit fideliter, voti sui compos effectus, reddit ad sua sospes & gaudens, præstante Domino nostro Iesu Christo, qui viuit & regnat cum patre in unitate spiritus sancti Deus, per omnia secula seculorum, Amen.

## SS. NEREI ET ACHILLEI, ITEM' QVE S. DO-

MITILLAE ET QVORUNDAM ALIORVM ILLVSTRE

martyrium, quod quidam anonymous se scribit de Græcis conuertisse, pro- baturque etiam doctissimis viris, & consentiunt vetustissima Mar- tyrologia, que non paucis locis etiam ad verbum quædam hinc mutuata sunt. Diclio plerunque in gratiam

Lectoris nonnihil expolita est per F.

Laur. Surium.

## PRAEFATIO INTERPRETIS.

**N**ISI studia Catholicorum securitatis sive somno torperent, nulla posset ratione impietas heresos, limites inuadere pietatis. Sed ad euigilandum nos stimulis suis illi excitant: & tamen fastidiosi, Hic locus dum strenue & solicite illis obuiare non curamus, agnos negligi- in MS. co- mus, & ex ouili amittimus, luporum morsibus sine dubio lace- dicibus val- randos & deuorandos. Itaque solicitudinem orthodoxorum, qui est. ante nos fuerunt, imitari cupiens, aliquot prouincia nostra mar- tyria collegi, & ex Græcis Latina feci, exemplum proponens alia- rum prouinciarum studiolis, vt sicut nos in nostra, ita illi in suis prouincijs transferat peracta martyria, vt populi excolentes & venerantes eos, quos pro nomine Domini nostri Iesu Christi passos cognoscunt, discant, quo bellandi studio victoriarum tri- umphos agentes, ad regem suum latentes atque ouantes peruenire meruerint. Pri- mam itaque ad ædificationem omnium, qui cupiunt placere Deo, sumamus Domi- tillam nobilissimam virginem, heptem Domitianus Imperatoris.

## HISTORIA.

T 3

Hæc

Cap. 1.  
Mai. 12.  
quod ad Ne-  
reum & A-  
chilleū arti-  
net.



AE C Domitilla habuit Nereum & Achilleum eunucios cubicularios, quos beatissimus Petrus Apostolus Christo lucratus fuerat. Cum viderent autem illi dominam suam gemmis ornari, & purpureis atque auro textis vestibus indui, dixerunt ei: Si id studij & opera, quod ponis in ornando corpore, ut filium confulis Arcelianum mortuum accipias, ad animae ornatum transferres, immortalem Dei filium regem omnium seculorum posses sponsum & maritum habere, qui te quoque efficeret immortalem? & neque tibi, neque ornamentis tuis quicquam vnuquam de perpetuitate decidere pateretur. Respondit Domitilla: Ecqua vero hominis potest esse maior charitas, quam complecti matrimonium, suscipere liberos, per quos dulcissima posteritas propagetur? & tam generis dignitas, quam nominis memoria conseruetur? Contrà autem, quam asperum & immane est, delectationes contemnere, vita suauitate non perfri, & perinde quasi non sis editus in hanc lucem, quæ corpori iucunda & plausibilia sunt, fastidire? Nereus dixit: Tu quidem momentaneas delectationes vides? quæ vero postea sequuntur, diuturna pericula non vides. Primo enim, cum integritatem, cum qua nata es, tibi eriperint, amissio nomine virginis, mulier vocaris? & quæ nunquam ingenuitati tuae ne ipios quidem parentes dominari passa es, corporis tui dominum patieris hominem extraneum, qui te ceu vilissimo mancipio abutatur, nec aequo ferat animo ullius vnuquam te colloquio perfri, ne ipos quidem notos, non affines, non nutrices, non vernaculae tecum nutritos, tibi sinat esse affabiles. Post clitabitur virus, itemque auditus? & quicquid etiam simplici & candido animo feceris, suspicio erit obnoxium. Respondit Domitilla: Scio matrem meam habuisse patrem meum virum zelotypum, & his iniurijs longo tempore esse exagitaram. Sed num ego propterea quoque talem sum habitura maritum? Achilleus dixit: Sponsi plerique omnes ante nuptias modestos & perquam humanos se simulant: at postea totos fesse produnt? & si sint libidinosi, ancillas amant, easque etiam tum, cum dominas suas contemnunt & ducunt pro nihilo, superba & iracunda contentione defendant, & non verbis duntaxat, sed etiam verberibus vlciscuntur, cumque injurius sermo, etiam à pia parente dictus, vix aequaliter toleretur, horum & pugnos durissimos & truces calcium ictus ferre oportet.

Cap. 2.

Encomia  
sanctæ vir-  
ginitatis.

Sed esto, neque libidinibus deditus, neque zelotypus sit sponsus, sed blandus etiam & commodus! verum etiam tum, quæ sint coniugi expectanda incommoda, vid eamus. Conceptum vteri pondus die noctuque gestabit inuita? quo pondere fit, vt sit meticuloza, agra, pallida, vix suis pedibus valens ingredi, cibosque salubres fastidiens, noxijs delectetur. Iam si sinus ipse interior aut calore immodico, aut nimio frigore, siue etiam macie aut pinguedine plus aequo affectus sit, inde tot morbi existunt, cum quibus solent multi edi in hanc lucem, quales sunt incurui, claudi, strabi, muti, vlerosi, dæmoniaci, quibus plerunque prius adhibendus sit exorcista, quam nutrix? vt nihil dicamus de partibus illis, qui suas matres necedum editi perimunt! vbi non solum obstetricibus, sed etiam viris ignotis, puta medicis, sepè eiusmodi naturæ secreta incommoda, cum multa verecundia detegi necesse est. His ab Achilleo dictis, Nereus subiunxit: O quam beata est sancta virginitas, harum calamitatum expers, amabilis Deo, chara spiritibus angelicis, quam qui obtinet, similis Deo est! ea autem destitutus, haec tenus Dei perdidit similitudinem, quatenus integratatem perdidit, & corruptioni obnoxius est. Et potest quidem mulier, si corrupta sit, culpam pœnitentia abolere, integratatem vero recuperare nunquam potest. Quanta igitur amentia est, aliena velle subdi libidini! quantæ imprudentia, qui possit cum gaudio, angelorumque & hominum applauu expectare integratatis præmia & coronam sempiternam, eum per lamenta pœnitentia postea eo conniti debere, vt possit pollutionis obtainere veniam? Et quidem sanctitas omnis, si vel voluntate vel necessitate aliqua amissa sit, ad statum suum & pristinam gloriam per pœnitentiam reuocari potest! sola virginitas, si semel profita sit, manet irreparabilis. Culpa eius amissa, lachrymis pœnitentia potest elui: ipsa vero in pristinum gradum restituji non potest. Denique perdita omnia recuperare licet! virginitas, si prostituta sit, nullam admittit instauracionem. Nam etiam si mulier corrupta, per pœnitentiam potest ad culpæ indulgentiam peruenire, nulla ta-

re, nulla tamen ratione consequi id potest, ut virgo sit, sicut creata est, semel amissa integritate, in qua nata fuit. Est autem certè sancta virginitas grata in primis & familiaris Deo patri, & filio, & Spiritui sancto. Ut enim regina, omnium nobilium & illustrium Deo gratias matronarum personis antefertur<sup>1</sup>, ita virginitas ceteras virtutes antecellit, proximum que à martyrio locum obtinet. Blanditur ei fides, amplectitur eam spes, osculatur charitas<sup>2</sup>, patientia, mundus contemptus, perseverantia, vigilancia, constantia, hospitalitas, misericordia, pia solicitude, scientia, probitas ei obsequuntur<sup>3</sup>; quae sunt paradisi flores immarcescibles, & in angelicis pratis atq; memoribus sanctos spirant odores, vbi vita eterna naribus hauritur, vbi aëri ple tantam ex se diffundit odoris suavitatem, vt quis in celis quis eum naribus attraxerit, deinceps non possit moerore affici, non morbo villo corripi, sed latus semper sit, de vita immortalitate securus.

Cum haec essent à Nero dicta, Achilleus ait: Quæ frater meus iam commemora Cap. 3.  
uit, per exigua sunt, tanquam si quis ex immenso flumine sextarium unum hauriat, qui potest quidem copiosissimi fluminis esse quædam delibatio<sup>4</sup>, sed nullo pacto aquarum eius copiam omnem comprehendere potest. Ita etiam vita illius infinita gaudia & voluptates sermo nullus explicat, nulla capit cogitatio, nulla disputatio complectitur. At verò neque in hoc seculo virginitas perdit decus & ingenuitatem suam. Non timet viri insultus, non est subdita homini corruptori, qui in munda contaminat, resignat obsignatum, violat integrum, liberam redigit in seruitutem, & quæ à Deo condita est ingenua, eidemque & sanctis omnibus chara est, eam violenter cogit esse suæ libidinis ancillam, deinde intra domesticos parietes, haud aliter atque in priuata custodia, seruat inclusam, non patitur ab alijs salutari, nec parentibus eam iniurandi facit copiam nutritiores, nutrices, affines, velut hostes quosdam ab eius consolatione & colloquio excludit, & ne ipsis quidem infantibus liberam facit cum ea loquendi potestatem, veritus ne illi parentibus eius prodant, quibus ea ab ipso officiatur iniurijs, qui cum adhuc esset sponsus, virginis fallacissimè blandiri consueuerat. Mentior, si non haec ita acciderint, & non minora etiam à me dicta sunt, quæ soleat exercere in coniuges maritorum superbia, agente partim angelo Dei sancto, virginitatis patrono, quod hanc prostituere voluerit, atq; è suo excludere prædio eam, quæ vna cum ipsa nata fuit, in eiusque locum succedere permiserit inimicam corruptionem, quæ ad id usque temporis nunquam ibi locum habuit.

Facianus autem angelum Dei ita eam compellantem. Dic mihi mulier, in quo te Iç. Cap. 4.  
sit virginitas, ut illam à te ejicias, & eius inimicam corruptionem admittas? Cum è matris vero prodires, tecum perpetuo permanis, tecum lactata es, tecum inter infantæ vagitus, inter blandimenta & nutrimenta, inter rædia & molestias perseverauit. Cum ægrotares, cum vigilares, dormires, surgeres, assideres, vestireris, ornareris, esurires, epulareris, semper tibi præstò fuit. Non deferuit operam literis dantem, non catechumenam, non baptismate ablutam, non Christi sanguine consecratam. Tecum venit ad nuptias Christi & Ecclesie, vbi thalamus eius, gemmis virtutum instrutus, mundarum mentium ornamenti quotidiè decoratur. Ex quibus nuptijs quotidie nascuntur in numeri, patre Christo, matre Ecclesia, nec tamen amouetur thalamus, quandoquidem Christus pater nunquam definit sponsus esse, nunquam mater Ecclesia sponsa. Semper enim Christus & pater & sponsus est, semper Ecclesia & mater & sponsa est, nec parere cessans, nec immaculata virginitatis villa sentiens, dispendia. Ex Christi enim castissimis amplibus integris non minuitur, sed augetur, & Ecclesia parvus, augmenta potius capit, quæ villa detrimenta virginitatis, cuius ornamenta vario gemmarum splendor coruscant, ex cuius ore mellita diuina legis eloquia manant, & perpetua profluunt virginibus blandimenta. O felix & sancta virginitas, quæ etiam in terris degens inter homines peccatores, magnis frueris gaudijs, quibus tandem poteris inter angelos in celis, quæ te illi complecentur benevolentia, quis illic erit decor tuus, gemmas vincens omnes quanvis preciosissimas? Semper illic aderit tibi iuuenis speciosissimus, Christus rex, regis omnipotentis filius, splendidus, auricomus, diadematus, solis radios suo fulgore obscurans, tibi perpetuo blandiens, & gaudia semper terrena concilians. Elige nunc igitur Domitilla, quem velis, vel hunc æternum, perpetuas adferentem delicias & bona sempiterna, vel hominem mortalem, cum quo eius pariter delicia sint interitura.

Hec & id genus alia multa prosequentibus Nero & Achilleo, Domitilla virgo prudenter dixit; Vtinam iam olim diuina hæc scientia mihi obtigisset, certè nunquam sponsa

sponsæ nomen suscepissem, & sine labore mihi hunc titulum sumerem! & sicut baptizata idolorum cultui valefecisti hac ratione instruta, carnale hoc commercium respuissim. At nunc quando Deus sermone oris vestri voluit lucrari animam meam, non dubito quin etiam rationem vobis indicaturus sit, qua possit per vos effici id, quod pro eius amore optamus. Deinde Nereus & Achilleus abiérunt ad S. Clementem Episcopum, eique dixerunt; Licet gloria tua sit omnis in Dominio Iesu Christo, nec humana dignitate glorieris, at tamen non ignoramus, Clementem Consulem, patrem tui germanum fratrem fuisse. Cuius soror Plautilla nos infantulos emit? & quando à Petro Apostolo verbum vita audiens creditit & baptizata est, nos una cum filia sua Domitilla sacro baptismate voluit initiari. Eodem autem anno Petrus Apostolus per martyrium migravit ad Christum, & Plautilla quoque diem suum obiit. Porrò Domitilla filia eius, cum Aurelianum illustrem haberet sponsum, à nostra paruitate dicit sermonem, quem nos ab ore Apostoli accepimus, quod virgo, Christi amore in virginitate perseverans, ipsum habeat sponsum, & cum illo delicijs & gaudijs fruatur sempiternis. His itaque & eius generis alijs à nobis acceptis, cupit virginitatis suæ votum manū tuæ velamento sacrari. Respondit Clemens Pontifex; Tempus adest, ut video, quo & mea, & vestra, & illius vocatio ad martyrij palam pertingat. Sed quia præceptum Domini est, ne timeamus eos, qui corpus occidunt: contenimus hominem mortalem, & principi vitæ sempiternæ modis omnibus parere nitamus. His dictis, abiit ad Domitillam, & canique consecravit. At quia longum est ordine commemorare, quæ mala passa sit à sposo Aureliano furij exagitato, ad huius historię calcem ea rei cimus. Impetravit autem à Domitiano principe, ut si sacrificare nolle, in Pontiam insulam relegaretur, sperans se illo in exilio animum virginis à persecutrix proposito deducaturum.

**Cap. 6.** Cùm igitur in ea insula exularet, ad essentque ei Nereus & Achilleus, erant illic etiam duo malefici, Simonis Magi discipuli, Furius & Priscus, propter artes magicas eò relegati. Hi magicis præstigijs penè omnes insulæ in colas eò adduxerant, vt Simonem Magum cœu Dei filium colerent, Petrum autem Apostolum præter meritum inimico in illum animo fuisse sentirent. Opponebant autem scilicet illis Nereus & Achilleus, dixeruntque hominibus in insula illa degentibus, Marcellum nostris, Marci præfecti Vrbis filium? Responderunt illi; Ecquis verò illum ignoret? Nero rursus & Achilleo dicentibus, Admittitis ne huius de Simone & Petro testimonium? aiebant; Nimis ille delirat, qui tanto viro fidem adhibere non vult. Nereus & Achilleus dixerunt; Date ergo hoc saluti vestra, vt donec illi nos scribamus, & ille nobis respondeat, ab horum vos doctrina subducatis. Vbi autem nos scriferimus, eligatis vnum ex vobis, qui epistolam nostram ad eum perferat, quam nos quidem vobis praesentibus cupimus recitari, sicut & illius responsum. Nerei autem & Achillei epistola hæc est;

**Cap. 7.** Nereus & Achilleus serui Christi Iesu, fratri & condiscipulo Marcello æternam salutem. In Pontiae insulæ ergastulum relegati propter nomen Domini nostri Iesu Christi, gaudemus quidem, sed gaudium nostrum perturbant Furius & Priscus, discipuli Simonis, qui propter artes magicas hoc in exilium deportati sunt. Aliunt illi à culpa alienum fuisse Simonem, porrò Apostolum Petrum sine causa cum execratum esse. Cumque dicemus nos insulæ habitatoribus, ne commodarent eis fidem, memorauimus illustrem & idoneam personam tuam, quæ possit scriptis ipsis efficere certiores, cuiusmodi fuerit Simonis Magi vita, & quemadmodum, cùm eius fuerit discipulus, res eius omnes bene cognitas & exploratas habeas, quas orationis ut perscribere ne graueris, vt homines innoxij ab horum fraudibus & imposturis liberentur. Gratia Domini nostri Iesu Christi tecum.

**Cap. 8.** Marcellus seruus Christi, sanctis confessoribus Nereo & Achilleo; Leatis literis vestris, gaudio sum repletus, quod intelligerem vos in fide constantes esse, & pro veritate certare viriliter. Et quia scribitis obiectam vobis Simonis innocentiam, retexam partim vitam illius, vt ex paucis cætera colligantur. Ego quidem, cùm in eius me disciplinam tradidisse, posteaquam animaduerti hominem esse malignum, & infantium trucidatorem, itemque maleficum & perfractorem, discessi ab illo, & me ad dominum meum S. Petrum Apostolum adiunxi, quem cùm Simon magum diceret, & populum Romanum eius odio inflammaret, d'cepit eo loco, vbi Petrum Simon insimulabat, vidua transiit cum multa populi frequentia, filium unum

Plautilla  
mater S.  
Domitilla

Matth. 10.

S. Domitil-  
la exilium.  
Pontianā

Furius &  
Priscus ma-  
lefici.

Epistola  
Nerei &  
Achillei ad  
Marcellum.

Simonis  
Magi histo-  
ria brevis.

cum efferens tristissima. Id vt vidit S. Petrus, ait ad populum Simoni credentem; Deponatis & feretro defunctum hominem; & qui cum excitari, eius veram esse fidem sentiatis. Cùm populus ita fecisset, Simon dixit; Si ego hunc vitæ reddidero, num vos Petrum interficiet? Respondit omnis turba; Viuum eum concremabimus. Mox Simon dæmonam opera id effecit, vt non nihil moueretur cadauer. Eo vifo, fublati vocibus populus Simonem prædicat; Petro exitium minatur. At Petrus vix impetrato silentio, ait; Si vivit, loquar, ambulet, cibum capiat, reuertatur ad ædes suas. Si id non fecerit, non dubitetis fallacem esse Simonem. Tum vna voce clamauit populus; Nisi id effecerit Simon pœnam, qua voluit affici Petrum, ipse luat. Simon verò iram simulans, fugere voluit, sed populus cum multa exprobatione eum detinuit. Porrò Apostolus Petrus ad cælum manus tollens, ait; Domine Iesu Christe, qui nobis dixisti: In nomine meo dæmonia ejcite, infirmos curate, mortuos suscitate! excita puerum hunc, vt omnis hæc turba cognoscat te esse Deum, nec alium præter te, qui cum Patre & Spiritu sancto vivis & regnas in secula seculorum. Mox puer exurgens, & ad Petri Puer reuicitur. Apostoli pedes se abiiciens, ait; Vidi Dominum Iesum Christum iubentem angelis, vt propter preces tuas me orphanum restituerent vidua matri meæ. Tunc populus exclamans, Unus, inquit, est Deus, quem Petrus prædicat. Simon autem per præstigias caput canis sibi singens, fugam capesset, sed eum retentum cùm populus vellet flammis comburere! Petrus ita dixit; Preceptor noster docuit nos pro malis bona reddere! ef. Matth. 5. fecitque, vt Simon dimitteretur. Is verò vt ad me venit, putans me quid aëtum esset, ne scire, canem ingentem ligavit ad aditum domus meæ, dicens; Videamus, num sit pro more ad te ingressurus Petrus. Post horam vnam veniens Petrus, signo crucis edito soluit canem, iussitque eum dicere Simoni, vt cessaret dæmonum opera fallere populum, pro quo Christus sanguinem suum fudisset. His ego visis, accurri ad Petrum, cumque reuerenter excepti in domum meam!, porrò Simonem cum cane expuli. Et canis quidem omnibus se blandū exhibens, solum Simonem persequebatur: cumque eum prostrauisset, Petrus in Christi nomine præcepit ei, ne vllum corpori eius mortuum inferret. Et Petrus quidem non attigit, sed vestes adeo lacerauit, vt nulla pars corporis tecum maneret. Populus verò, & in primis pueri vna cum canē eum insectantes, extra urbem gus lacera- Simon Ma- tur à canē.

moenia ceu lupum expulerunt! quam ille ignominiam non ferens, toto anno delituit. Postea Neroni commendatus est, qui eum in suam amicitiam admisit, homo improbus seipso nequorem. Apparuit autem in visione Dominus Petro Apostolo, dicens; Si mon & Nero, pleni malo dæmone, aduersum te cogitant!, sed ne timeas! ego tecum sum, adiungamque tibi Paulum Apostolum, eras urbem ingressurum, pariterque post menses septem cum Simone configetis, eoque superato & in tartarum detruso, simul ad me victores peruenietis. Altera die venit Paulus Romam!, quo autem pacto cum Simone congressi sunt, cùm vos ipsi coram suis intuiti, superfluo mihi visus sum apud vos velle referre! maximè cùm S. Linus ad Orientis Ecclesias omnem passionis eorum seriem Græcè prescriperit. De Petronilla verò, filia Petri Apostoli, domini mei, quando solicite perquiritis, quis eius vitæ finis fuerit, paucis annotabo.

Petronillam itaque bene nōtis voluntate Petri Apostoli clinicam factam. Memini Cap. 9. enim interfuisse vos, cùm permulti eius discipuli apud illum ederemus, & Titus dice- S. Petronil- ret ad eum: Quando omnes à te curantur, eur Petronillam pater ex paralysi decum- 1æ historiæ bere? Cui tum Petrus respondit; Sic enim ei expedite. Ne quis tamen putet me his verbis indicare voluisse, fieri non posse vt sanetur, volo vt surgat & ministret nobis. Et mox illa surrexit in columnis! expleto autem ministerio, iussit eam Apostolus redire ad lectum suum. Postquam autem in Dei timore cœpit esse perfecta!, non modò ipsa curata est, sed etiam permultis alijs suis precibus obtinuit sanitatem. Cùm autem es- set præstanti forma corporis, Flaccus Comes venit ad eam cum militibus suis, sibi eam coniugem assicuratus. Dixit verò illi Petronilla; Itane ad puellam inerme cum armato milite venis? Si me vis habere coniugem, da operam, vt matronæ & virgines honestæ post triduum ad me veniant, vt ego cum illis pariter accedam ad ædes tuas: coniugem. Trium itaque dierum spatio imperato, sancta virgo ieiunij & orationibus vacauit, habens apud se sanctam virginem Feliculam in Dei timore perfectam. Tertio inde Missæ vñus antiquissi- die venit ad eam S. Nicomedes presbyter, Christique mysteria celebrauit: cumque mus. virgo sacratissima Christi Sacramentum accepisset, relinans se in lectulum, emisit spiritum. Matrone autem & virginis, quas Flaccus ad eam misserat, exequias funeris eius celebrarunt.

Porrò

**Cap. 10.**  
S. Felicula  
martyrium.

Porrò Flaccus animum aliò transferens, dixit ad Feliculam; Vnum è duobus elige, vt aut sis mea coniunx, aut dijs sacrifices. S. Felicula respondit; Nec vxor tua ero, quia Christo sacrata sum, nec immolabo idolis, quia Christiana sum. Tunc Flaccus tradidit eam cuidam Vicario, inclusaque est in obscuro quadam cubiculo, & mansit illuc dies septem absque cibo. Dicebant autem ei vxores custodum; Cur vis mala morte perire? Accipe virum hunc nobilem, diuitem, formosum, florente atrae, Imperatoris amicum & Comitem. At Felicula nihil ijs respondit, nisi hoc solum; Virgo Christi sum, & præter eum nullum alium accipio. Post dies septem duxta est ad Vestæ virgines, vbi rursus totius hebdomadæ inedia se affecit. Nulla enim ratione eò potuit adduci, vt ex illarum manibus cibum caperet. Deinde sublata in eculeum, dicebat alta voce; Iam coepi videre Christum amatorem meum, in quem totus amor meus defixus est. Cumque dicerent ei tum alij omnes, tum etiam tortores eius; Negate te Christianam, & dimitteris: illa clamabat; Ego amatorem meum non nego, qui mea causa fel edit, acutum gustauit, spinis coronatus & cruci affixus est. Post hæc ab eculeo deposita, & in cloacam proiecta est. Sanctus autem Nicomedes presbyter in spelunca degens, claram abstulit corpus eius, noctu in biroto vehens illud ad casulam suam septimo millario ab urbe Roma via Ardeatina, ibique eam sepelivit, quo in loco fructificant orationes eius vsq; in hodiernum diem. Peruenit autem ad Flaccum, quid egisset Nicomedes presbyter, iussitque eum comprehendens duci ad sacrificandum. Sed dicente illo; Ego non sacrifico, nisi Deo omnipotenti, qui regnat in celis, non ipsis faxeis dijs, qui in templis quasi in carceribus custodiuntur, plumbatis diutissime casus, migravit ad Dominum. Corpus autem eius in Tyberim demersum est, quod quidam eius clericus, re & nomine Iustus, collegit, birotoque impositum, transtulit ad hortulum suum iuxta muros via Numeniana, atque illic humo condidit, vbi Dominum orantes, ea, quæ petunt, asssequuntur eius martyrij interuentu.

**Cap. 11.**  
Epistola Eu-  
tyches&c.  
de Nerei &  
Achillei.

Eutyches, Victorinus & Maro, serui Domini nostri Iesu Christi, Marcellus; Quandio venerunt literæ tue, ad sanctos Nereum & Achilleum scriptæ, illi iam ante dies tringinta peruererant ad coronam. Cum enim Flavia Domitilla, virgo illustrissima, immo Christianissima, ab ipsis eius eunuchis docta virginitatem suam Christo conservare, Aurelianum sponsum suum contemneret, is propter Christi professionem in hanc insulam fecit eam relegari, atque etiam huic veniens, Nerei & Achillei animos coepit munieribus pertentare. At illi dona eius execrantes, Domitillæque fidem magis magisque in Domino confirmantes, grauissimis verberibus sunt attricati, & Taracinam missi, Memmio Rufo consulari traditi sunt, qui cum eos eculeo & flaminis ad immolandum idolis compellerent, responderunt se à beato Petro baptizatos, nulla ratione posse idolis immolare, sicque capite casi sunt. Eorum autem corpora rapuit Auspicius discipulus eorum, nutritor sanctæ virginis Domitillæ, & in crypta arenaria sepelivit via Ardeatina, millario uno & dimidio ab Urbis muro, iuxta monumentum, quo condita fuerat Petronilla, Apostoli Petri filia, quemadmodum Auspicius ipse nobis reulit. Erit igitur charitatis tua, sollicitè curam nostrâ gerere, & eiusmodi aliquem ad nos mittere, qui & tua & nostra ospitate nos exhibaret. Dies natalis martyrum horum est 4. Idus Maias.

**Cap. 12.**

His literis acceptis, Marcellus misit germanum suum ad insulam, qui cum his Christi confessoribus egit illuc annum vnum, ac deinde reuersus ad Marcellum, hæc ei narravit. Cum Aurelianus, cæsis Nereo & Achilleo, Domitillam ad sibi consentendum inducere moliretur, dictum est illi à quodam, maiorem ei intercedere amicitiam cum Eutyche, Victorino & Marone, quam cum Nereo & Achilleo intercessisset. Itaque à Nera principi impetravit eos sibi donari, si sacrificare nollent. Sed illis viriliter agentibus, & minas Aurelianii contemnentibus, ex insula amotos, tanquam seruos suos per sua prædia diuisi, Eutychem decimo & sexto millario ab Urbe via Numeniana, Victorinum millario sexagesimo via Salaria, Maronem centesimotriciesimo eadem Salaria via, iussitque eos tota die terram fodere, & cantabrum edere ad vesperam. (Sic enim habet historia, quid autem cantabrum vocet, ignoro, nisi forte Cantabricam herbam velit accipi, cuius meminit Plinius lib. 25, cap. 8.) Sed Deus omnipotens fecit illos gratiosos in locis peregrinis. Eutyches enim filiam conductoris loci illius à dæmoni liberavit, Victorinus loci vicedominum, triennio ex paralysi decumbentem, precibus sanavit, Maro hydrope vexatum curauit. Loquebantur interea populus, multosque ad Christi religionem traduxere, ornatiique presbyterio, credentium numerum

**Cruciatus,  
confiantia  
& cædes SS.  
Nerei &  
Achillei.**

numerum egregiè auxerunt. Id non ferens satan, Aureliani animum ira inflammavit, isque multos eò misit, qui multiplici poenarum genere illos interficerent. & Eutychem quidem media via cædi iussit, donec exhalaret spiritum, cuius corpus Christiani cum Cædes Eu-  
multo honore speliérunt, & super illud basilicā in Christi nomine extruxerūt. Victori- tychetis.  
num autem apud Cotiliā, vbi putentes & sulphureæ emanant aquæ, in ipsas aquas ca- Item Vi.  
pite deorsum verso trium horarum spatio deprimi mandauit, iterumq; sustolli. Quod & torini,  
cùm triduo vir sanctus pro Christi nomine pertulisset, migrauit ad Dominum. Etsi au-  
tem Aurelianum veteruit, ne quis illud terra conderet, at tamen postridiè venerūt Ami-  
ternenses, raptumq; in suum territorium transtulere, mandaruntque sepulturæ. De-  
nique Maronem voluit ab amico suo Turgio ingenti falso opprimi. Itaque in eius hu- Item Ma-  
meros imposita est petra immanissima, quam homines septuaginta ægrè possent tro-  
chlea adducere. Eam autem vir sanctus tanquam leues paleas ad duo milliaria porta-  
uit illæsus, coquæ loci eam reposuit, vbi solitus erat Domino preces offerre. cuius sanè  
facti admiratione eius prouincia populus adductus est ad fidem Christi, & sacro bapti-  
smate expiatus. Porro Consularis, acceptis ab Aureliano muneribus, S. Maronem oc-  
cidit. Populus verò in ea petra, quam humeris suis gestarat, excidit sepulcrum, ibique  
cum condidit, & in eius nomine Christo ecclesiam fabricauit, in qua præstantur bene-  
ficia Domini vñque in præsens in sui nominis gloriam.

Postquam igitur sanctos omnes, qui S. Domitilla erant solatio, è medio sustulit Au- Cap. 13.  
relianus, dixit ad Sulpitium & Seruiliandum illustres iuuenes; Scio collactaneas Domi-  
tillæ Euphrosynam & Theodoram vos habere sponsas, virgines sapientissimas. Vbi ergo Domitilla ego ex insula in Campaniam reuocauerō, illæ inuisendi gratia ad eam  
accedant, vt sua persuasione inducent eam ad obsequendum mihi. Itaque Domitilla  
ex Pontia insula Taracinas perducta, Euphrosyna & Theodora venerunt ad eam, pari- S. Domitilla.  
terque magno sunt gaudio affecte. Cùm autem ventum esset ad epulas, illis prandenti- la Taraci-  
bus, Domitilla ieunij & precibus dabat operam. Dixerunt autem ei Euphrosyna & nas perdu-  
ceretur.  
Theodora; Dum prandemus nos & viris hubimus, non possumus colere Deum tuum?  
Respondit Domitilla; Vos quidem sponsos habetis, viros nobiles. Quod si verò alij  
ignobiles & humili loco nati, ab illis auocare vos vellent, sibi que matrimonio iungere,  
num vos illis pareretis? Euphrosyna & Theodora dixerūt; Auertat hoc Deus à menti-  
bus nostris. Tum Domitilla, Auertat, inquit, & à mente mea. Magnum enim ego spon-  
sum habeo filium Dei, qui de cælo descendens, promisit se illarum fore sponsum, quæ  
virginitatem ament, siveque amore in virginitate permanentibus daturum se vitam  
æternam, & è corpore abundantes duceturum in cælos, in thalamum suum sempiternum,  
vbi cum angelis exultent, & inter flores aromatum in medio paradisi vitam vivant iu-  
cundissimam, & sine fine splendidissime epulentur. Cùm autem ille hæc promitteret,  
& dictis eius fides non haberetur, cæcis visum reformatum, leprosos curauit, morbos  
omnes depulit, mortuos excitauit. Atque hunc in modum verum se Dei filium decla-  
ravit, & multi in eum crediderunt.

Ait autem ad illam Theodora; Fratrem habeo iuuenem, Herodem, iam annum Cap. 14.  
vnus oculorum lumine orbatum. Si ergo vera loqueris, sana illum in Dei tui nomine.  
Ait verò etiam Euphrosyna; Tu quidem Romæ habes fratrem cæcum? ego autem hic  
habeo filiolam nutricis meæ, quæ ex morbo loquendi beneficium perdidit. Auditus  
quidem integer est, sed lingua voces & verba formare non potest. Et hæc dicens, cura-  
uit puellam eò acciri. Domitilla igitur prosternens se in orationem, fleuit diutissime.  
Deinde surgens, manus expandens in cælum, dixit; Domine Iesu Christe, qui dixisti,  
Ecce ego vobiscum sum omnibus diebus usque ad consummationem seculi, ostende Matth. 18.  
me verum tibi dixisse testimonium. His dictis, signum Crucis in os muta expressit, & ait;  
In nomine Domini mei Iesu Christi loquere. Mox puella in has erupit voces? Verus Muta puel.  
est Deus tuus Domitilla, & vera sunt omnia, quæ tuo ore deprompsisti. Tum ambæ se la loquitur.  
abiecerunt ad pedes Domitilla, & credentes, mysterijs Christi initiate sunt. Frater  
etiam Theodora cæcus eò adductus, Domitilla precibus & mentis & corporis lumen Cæcus vi.  
obtinuit. Porro omnes virtusque sexus homines, tum serui, tum ingenui, qui ex yrbe eò der.  
aduenerant, vñsis his signis, in Christum crediderunt, & baptizati sunt. domusque illa,  
in qua manebant, instar ecclesia cuiusdam erat.

His ita gestis, Aurelianus cum duobus sponsis, quos diximus, venit, adducens se. Cap. 15.  
cum tres, qui organis canerent, tanquam uno die triplices nuptias celebraturus. Sul-  
pitius autem & Seruilianus ut viderunt mutam loqui, & Herodem Theodora fra-  
trem

Sulpitius &  
Seruilianus  
credentes in  
Christum.

Aurelianii  
interitus.

Sulpitij &  
Seruiliani  
caedes.

Item Do-  
millus &c.

trem visum recuperasse, cognitis etiam omnibus, quæ dicta factaque fuerant, credide- runt; cumque Aurelianus multa instantia hortaretur eos, ut uno die nuptias celebra- rent, illi ut homines sapientissimi, dixerunt ei: Da honorem Deo, cuius virtute & mu- ta loquitur, & cæcus vide. At ille neglectis ijs, quæ ab eis dicebantur, per vim iussit includi Domitillam intra cubiculum, vt posset securus facere quod ei libatum esset: positisque organis, à coena coepit latus saltare inter eos, vt est moris in nuptijs. Por- rò ceteris saltando defatigatis, ille sine intermissione duos dies & noctes totidem saltauit, donec corrueens expiraret. Ea re perterriti omnes, in Dominum credide- runt. Frater autem Aurelianii Luxurius petij ab Imperatore Traiano, vt liceret ipsi omnes hos ad sacrificandum compellere, nolentesque quibus vellet pœnis affectos interimere. Itaque Sulpitium & Seruiliandum Praefecto urbis Aniano tradidit, qui non ignorans eos nuper Christiana religione initiatos, cum nullo paecto vellent deinceps idolis immolare, eos decollari precepit: quorum corpora Christiani posuerunt in pre- dio eorum via Latina milliariorum secundo, quo in loco exuberat virtus martyrum eorum usque in presentem diem. Post haec Luxurius abiit Taracinas ad virginis Christi, & ut vidit prorufus eas ad sacrificandum induci non posse, ablatis omnibus, quæ habebant, in eo cubiculo, in quo pariter morabantur, eas inclusit, igneque supposito combusit. Al- tero die sanctus Cæsarius diaconus eò veniens, sanctarum virginum corpora nihil lessa reperit. In facies enim suas prostratae, orantes Dominum decesserunt. Ea igitur nouo sarcophago condens, in humo altius effossa sepeluit.

## MARTYRIVM S. PANCRATII, EX PERVETV- STO MS. CODICE DESCRIPTVM+

CVI SVFFRA-  
gantur antiquissima Martyrologia. Stylum nonnunquam  
modicè elimauiimus.

Maij 12.  
Cap. 1.

Cledonius  
pater Pan-  
cratii.



EMPORIBVS illis immanis fuit persecutio Christia-  
norum, quos dij thura ponere volebant Diocletianus &  
Maximianus sceleratissimi Imperatores. Fuit tum apud  
provinciam Phrygiam Cledonius quidam, vir nobilissi-  
mus. Is habuit filium nominem Pancratium ex amixa con-  
iuge. Vocauit autem ad se fratrem suum Dionysium,  
commendauitque ei filium Pancratium, dicens: Coniu-  
ro te, frater charissime, per omnipotentem Deum & per  
magnam virtutem eius, ut omne patrimonium meum,  
quod siue hic, siue in urbe Roma video habere, nepoti  
tuo Pancratio fideliter & accuratè conserues. Ita mortuo  
Cledonio, Dionysius erga Pancratium piissimum semper  
animum declarauit, adeoque eum dilexit, vt in nullo eum offendere videretur. Post  
triennij autem tempus Romam cum Pancratio profectus, in monte Cælio cum omni  
familia & cum dij suis mansit. Propter nimiam vero persecutionem, Pontifex Roma-  
nus in vico Dionysij & Pancratij latitabat: cuius egregias virtutes cum Dionysius co-  
gnouisset, & ut omnem populum à cultu idolorum reuocaret, & ad viam rectam æter-  
namque vitam perduceret, cum Pancratio nepote ad eius notitiam studuit peruenire.  
Itaque quadam die venerunt ad ostium Pontificis, & sciscitante Eusebio ostiario, to-  
tius sanctitatis viro, quidnam vellent, illi eius genibus aduoluti rogârunt, vt ad Ponti-  
fici conspectum adduci mererentur. Eusebius nunciauit hoc Pontifici, ita dicens: Do-  
mine pater, quidam clarissimi viri pro foribus stant, orantes ut tuæ beatitudini præsen-  
ti mereantur. Ijs auditus, sanctus Pontifex, magno affectus gaudio, in orationem se  
prosternens, dixit: Domine Iesu Christe, rex regum & Domine dominantium, qui mihi  
ultimo seruorum tuorum aduentum eorum reuelare dignatus es, confirma in eis  
opus tuæ misericordia. Deinde iussit eos quamprimum ad se introduci. Illi vero mis-  
erunt se ad pedes sancti Pontificis, rogantes, ut Christum ipsis indicaret, quem haec tunc  
ignorassent.

Cap. 2.  
Dionysius  
& Pan-  
cratius post ca-  
techismi ba-  
ptizantur.

At sanctus Pontifex eos complexans, declarauit eis cælestem diuinitatem: porro  
post dies viginti baptizauit eos. Facli igitur Christiani, adeo cœpere feruentes esse in  
timore Dei, ut etiam ultra persecutoribus se offerrent. Non post multis dies migra-  
uit ad Dominum Dionysius cum præmiis cælestibus, charus & dignus Deo. Cum au-  
tem